



REPUBLIKA E SHQIPËRISË
KOMISIONERI PËR TË DREJTËN E INFORMIMIT DHE MBROJTJEN E
TË DHËNAVE PERSONALE

GMS/EMP

Lënda: Raport i monitorimit mbi performancën e produkteve/shpenzimeve për periudhën Janar- Gusht 2024

Në mbështetje të Ligjit nr. 9936, datë 26.06.2008 “Për menaxhimin e sistemit buxhetor në Republikën e Shqipërisë”, i ndryshuar, Ligjit nr.10296, datë 8.07.2010 “Për menaxhimin financiar dhe kontrollin”, i ndryshuar, Ligjit nr.97/2023 “Për buxhetin e vitit 2024”, Udhëzimit nr.9 datë 20.03.2018, “Për procedurat standarde të zbatimit të Buxhetit”, Udhëzimit plotësues nr.1, datë 24.01.2024 “Për zbatimin e buxhetit të vitit 2024”, Zyra e Komisionerit për të Drejtën e Informimit dhe Mbrojtjen e të Dhënave Personale (këtej e tutje “Zyra e Komisionerit” ose KDIMDP), ka kryer monitorimin e buxhetit për periudhën Janar- Gusht 2024, nëpërmjet vlerësimit të performancës së fondeve buxhetore dhe krahasimit të treguesve faktikë të performancës me ato të planifikuara.

Monitorimi është procesi që lidh realizimin e objektivave dhe produkteve me fondet përkatëse të planifikuara për arritjen e tyre.

Misioni ynë mbetet dhënia e garancisë mbi aksesin dhe njohjen e qytetarëve me informacionin publik si dhe përpunimi i ligjshëm i të dhënave personale, duke respektuar të drejtat dhe liritë themelore të njeriut, e në veçanti të drejtën për informim dhe të drejtën për mbrojtjen e të dhënave personale.

Vizioni ynë është inkurajimi për marrjen e masave proaktive, zbatimin e parimeve për mbrojtjen e të dhënave personale në integrimin e teknologjisë, si dhe rritjen e llogaridhënies për pjesëmarrje të qytetarëve në qeverisje.

Kjo materializohet nëpërmjet qëllimit të programit i cili është:

1-nxjtja e përputhshmërisë së sektorit publik dhe privat për mbrojtjen e të dhënave personale dhe të drejtën e informimit,

2-vendosja e balancës midis dy të drejtave të shtetasve, duke ofruar ekspertizën për ligjbërësit kombëtarë, me qëllim adoptimin e standardeve evropiane në të dyja fushat.

3-Realizimin e mbikëqyrjeve/inspektimeve për zbatimin e detyrimeve ligjore, vendosjen e sanksioneve administrative në rastet flagrante të shkeljes së detyrimeve, shqyrtimin e ankesave në lidhje me të drejtën për akses në informacionin publik apo cënimin e privatësisë, në bazë të të cilave Komisioneri ushtron vendimmarrjen e tij.

4-Menaxhimin me efektivitet dhe korrektësi i fondeve buxhetore të KDIMDP-së.

Për përmbushjen e sa më sipër, gjatë vitit 2024 dhe në vijim objektivat e Zyrës së Komisionerit do të jenë:

- miratimi i projektligjit “Për mbrojtjen e të dhënave personale” dhe ndryshimeve të ligjit “Për të drejtën e informimit”;
- miratimi i akteve nënligjore në zbatim të legjislacionit të ri;
- përmirësimi i kapaciteteve profesionale të stafit, me fokus të veçantë, thellimin e njohurive në funksion të përparimeve të teknologjisë së informacionit dhe komunikimit (TIK), si detyrime specifike që burojnë nga legjislacioni i përmirësuar;
- bashkëpunimi me qytetarët dhe grupet e interesit në njohjen e risive rregullatore në të dy fushat, në ndërgjegjësimin për zbatimin e tyre;
- komunikimi proaktiv me autoritetet publike për konsolidimin e kulturës së transparencës, forcimi i rolit dhe kapaciteteve të koordinatorit të të drejtës për informim dhe trajnimi periodik i koordinatorëve për të drejtën e informimit veçanërisht për trajtimin e çështjeve me interes publik në balancë me kufizimet për dhënien e informacionit;
- thellimi i mbikëqyrjes dhe monitorimi i zbatimit të ligjit për të drejtën e informimit, te ndryshuar, duke patur si qëllim rritjen e kontrollit mbi veprimtarinë e administratës publike si dhe garantimin e aksesit në informacion publik;
- verifikimi dhe mbikëqyrja e transparencës proaktive të autoriteteve publike, mbi zbatimin dhe përditësimin e Programit të Transparencës dhe Regjistrit të Kërkesave dhe Përgjigjeve
- komunikimi proaktiv me autoritetet publike për konsolidimin e kulturës së nxitja e qasjes së re të kontrolluesve/përpunuesve përsa i përket garantimit efektiv të sigurisë së informacionit (SMSI) në proceset përpunuese;
- përgjegjshmëria e lartë e kontrolluesve publik për t’iu drejtuar Zyrës së Komisionerit për dhënien e mendimeve mbi projektaktet ligjore/nënligjore, që në objekt të tyre kanë përpunimin e të dhënave personale;
- zgjerimi i rrjetit të nëpunësve për mbrojtjen e të dhënave personale dhe forcimi i kapaciteteve profesionale për përmbushjen e detyrimeve ligjore;
- Organizimi i edicionit të 15-të të Konferencës Ndërkombëtare të Komisionerëve të Informimit, në datat 3-5 qershor 2024 në Tiranë, e cila synon të promovojë fuqizimin e rolit të individit përmes aksesit në informacion në një botë gjithnjë e më të ndërlidhur;
- roli aktiv në kuadër të organizmave ndërkombëtare ku Zyra e Komisionerit është anëtare, si dhe me autoritetet homologe në të dy fushat e përgjegjësisë;
- aplikimin për përfitimin e projekteve nga programe të asistencës nga fondet IPA të BE dhe/ose donatorë të tjerë, në funksion të rritjes së kapaciteteve profesionale dhe për ndërgjegjësimin e grupeve të interesit.

Në përdorimin e fondeve buxhetore, Zyra e Komisionerit është mbështetur në parimet e menaxhimit dhe mirëfunksionimit të sistemit buxhetor. Zyra e Komisionerit vijon të mbajë të njëjtin qëndrim lidhur me mospërfshirjen dhe plotësimin jo vetëm të PBA-së por edhe të moduleve të tjera në sistemin AFMIS, deri në marrjen e masave për

përpunimin e të dhënave të përdoruesve gjatë autentifikimit në sistemin AFMIS, sipas rekomandimeve të dhëna nga KDIMDP.

Zyra e Komisionerit, edhe pse nuk është përfshirë në modulën e monitorimit në AFMIS ka përgatitur raportimin dhe vlerësimin e treguesve të performancës të synuar me treguesit faktik të realizuar, në zbatim të Udhëzimit të MFE nr. 14, datë 30.05.2023 “ Për procedurat standarde të monitorimit të buxhetit në njesite e qeverisjes Qendrore” dhe sugjerimeve tuaja të konstatuara në raportimin Janar- Prill 2024.

Produkti i vetëm i Programit 0110, në shpenzime operative është **Mbikëqyrje/inspektime të kryera & ankesa të trajtuara**, ku parashikimi është **nr. 1840 veprime**

E drejta e informimit :

➤ **Autoritetet Publike me programe dhe transparencë të plotë**

Sigurimi i Transparencës së veprimtarisë së Autoriteteve Publike, nëpërmjet realizimit të proceseve të monitorimit/mbikëqyrjes së elementëve të ndryshëm të zbatimit të ligjit për të drejtën e informimit, të autoriteteve publike etj

➤ **Trajtim i ankesave brenda afateve dhe (kthim përgjigje/inspektime/vendime, kryesisht në bazë të ankesave).**

Ankesa të trajtuara në kuadër të parashikimeve të Ligjit “Për të Drejtën e Informimit” si dhe Ligjit “Për njoftimin dhe konsultimin publik”, hetime të kryera, seanca dëgjimore të zhvilluara si dhe vendime të dhëna etj

Mbrojtja e të dhënave personale

➤ **Mbikëqyrje dhe inspektime.**

Nëpërmjet procedurave për realizimin e këtij produkti do të bëhet e mundur minimizimi i rrezikut të cënimit të privatësisë dhe mbrojtjes së të dhënave personale; Ndërgjegjësimi dhe disiplinimi i kontrolluesve; Krijimi i praktikës së mirë për kontrolluesit.

➤ **Ankesa të trajtuara**

Trajtimi në kohë i ankesave të ardhura nga subjektet e të dhënave personale, në kuadër të ligjshmërisë së përpunimit të të dhënave personale etj

Zyra e Komisionerit ka ngritur sistemin e menaxhimit financiar dhe kontrollit, i cili është mbështetur në Ligjin nr.10296, datë 8.07.2010 “Mbi menaxhimin financiar e kontrollin”, i ndryshuar si dhe në parimet e menaxhimit të fondeve publike me efektivitetet, transparencë, ekonomi dhe efijensë.

Në mbështetje të Ligjit nr.97/2023“Për buxhetin e vitit 2024”, dhe në vijim të udhëzimeve të Ministrit të Financave dhe Ekonomisë nr. 9, datë 20.07.2018, “Procedurat standarde të zbatimit të buxhetit” i ndryshuar dhe Udhëzimit plotësues nr.1, datë 24.01.2024 “Për zbatimin e buxhetit të vitit 2024”, fondet e akorduara për Zyrën e Komisionerit, në total janë në vlerën 168.950 (mijë lekë). Struktura e elementëve buxhetorë paraqitet si më poshtë:

Llog. Ekonomike	Përshkrimi	Plani i buxhetit për vitin 2024 (në mijë lekë)
600	Fond Page	101.140
601	Kontrib. Sig. Shoq& Shënd.	16.330
602	Mallra dhe shërbime të tjera	32.890
605	Transferta korente jashtë vendit	100
606	Transf. për Buxh. Fam. & Individ	240
230-231	Shpenzime kapitale	18.000
	Paisje zyre, elektronike/kompjuterike	18.000
		168.700
606	Fondi i vecantë	250
	T o t a l i	168.950

Vlera e mbartur nga viti 2024, sipas artikujve buxhetore, me burim financimi donacionet/sponsorizimet paraqitet për sa e si më poshtë:

- 1- Shpenzime operative në vlerën 3.579.570 lekë
- 2- Shpenzime kapitale në vlerën 17. 370.119 lekë

Gjatë periudhes se raportimit është përdorur fondi në shpenzime operative në vlerën prej 679.400 lekë.

1. Realizimi i Treguesve ekonomiko-financiare

Nga fondi i përgjithshëm buxhetor janë shpenzuar 91.696 (në mijë lekë), me realizim përkundrejt planit vjetor në masën 54 %

Tabela e mëposhtne pasqyron në %, çdo kategori shpenzimesh, përkundrejt totalit të buxhetit, si dhe realizimi në % dhe vlerë, i secilës kategori shpenzimesh, përkundrejt buxhetit të akorduar.

TABELA E AKORDIMIT TË BUXHETIT DHE REALIZIMIT (i ndryshuar)

Janar – Gusht

000 / lekë

Nr.	EMËRTIMI	PLAN VJETOR 2024	PËRQINDJE KUNDREJT TOTALIT	FAKT 8- Mujor	PËRQINDJE REALIZIMI KUNDREJT PLANIT VJETOR
1	Paga	101.140	60 %	60.200	59.5 %

2	Sigurime shoqërore	16.330	9.6%	9.424	58 %
3	Mallra e shërbime të tjera	32.790	19.4 %	21.865	66 %
4	Investime	18.000	10.6 %	0	0 %
5	Transferta te buxhetet familjare	310	0.1 %	158	51 %
6	Kuotizacion	130	0.05 %	49	49 %
	Totali	168.700		91.696	54 %
7	Fondi i vecantë	250	0.1 %	0	0
	Totali final	168.950	100	91.696	54 %

o **Fondi i përgjithshëm i pagave si dhe i sigurimeve shoqërore.**

Nga fondi i përgjithshëm buxhetor i planifikuar për vitin 2024, për periudhën e raportuar Zyra e Komisionerit ka shpenzuar **vlerën buxhetore 69.624 (në mijë lekë)**. Është realizuar buxheti për periudhën Janar- Gusht në masën 59 %, kundrejt planit vjetor

Fondi i përgjithshëm i pagave si dhe i sigurimeve shoqërore, është realizuar për numrin faktik të punonjësve në strukturë dhe jashtë saj (52 +5)

Struktura dhe organigrama e kësaj Zyre, ka ndryshuar me Vendimin e Kuvendit të Shqipërisë nr. 24/2023 “Për disa shtesa e ndryshime në Vendimin nr. 86/2018 “Për miratimin e strukturës, organikës dhe klasifikimit të pagave të Komisionerit për të Drejtën e Informimit dhe Mbrojtjen e të Dhënave Personale”, i ndryshuar, i cili ka 60 punonjës. Mosrealizimet për këtë periudhë kanë ardhur për shkak të krijimit të vendeve vakante si pasojë e hyrjes në fuqi të strukturës së re me 60 punonjës, në janar 2024. Referuar planit vjetor të rekrutimeve kanë nisur dhe finalizuar disa prej procedurave të rekrutimit, ndërsa kemi në vijim procedurat e tjera deri në plotësimin e vendeve vakante.

o **Fondi për Shpenzime Korente të tjera (602-606),** për periudhën Janar-Gusht 2024, është realizuar në vlerën **22.072 (në mijë) lekë**, ose rreth 66 % e fondit të planifikuar vjetor, të ndryshuar, të këtij shpenzimi (602-606). Ky fond është realizuar për:

- Shlyerjen e detyrimeve ndaj shtetit, si detyrime energji elektrike, ujë, shërbime bankare, postare e telefonike.
- Shpenzime në funksion të realizimit të qëllimit të Komisionerit, ku për platformat e instaluar janë ndërmarrë procedurat e mirëmbajtjes vjetore të tyre
- Shpenzime për sigurimin e godinave e të mjeteve të transportit si dhe shërbime të dezinfektimit në situatën covid-19

- Shpenzime të tjera mirëmbajtje/furnizime, e të tjera shërbime bazë të funksionimit
- Shpenzime për mbulimin e organizimit të aktivitetit më i rëndësishëm botëror për nxitjen e kulturës së transparencës dhe përgjegjshmërisë së autoriteteve publike, Konferenca e XV Ndërkombëtare e Komisionerëve të Informimit, e cila u mbajt në Tiranë, në datat 3-5 qershor 2024
- Shpenzime për mbulimin e organizimit të aktivitetit në nivel Kombëtar Konferenca e VI Kombëtare “E Drejta për Informim - Ndërtimi i besimit - Promovimi i transparencës, llogaridhënies dhe integritetit në politikat kundër korrupsionit”.
- Shpenzime administrative për mbulimin financiar të aktiviteteve të shtuara, si rezultat i funksioneve dhe kompetencave të Zyrës së Komisionerit, në të dy fushat e përgjegjësisë, por edhe për shkak të rëndësisë dhe intensitetit të takimeve jashtë vendit në kuadër të procesit të integritetit evropian.

Gjatë kësaj periudhe raportimi janë zhvilluar 30 procedura prokurimi të gjitha të sukseshme me fitues dhe plotësim kërkesash.

Fondi për shpenzime investime (zëri 231), me ligjin nr. 97/2023“ Për Buxhetin e vitit 2024” , Zyrës së Komisionerit për të drejtën e Informimit dhe Mbrojtjen e të dhënave personale është alokuar fondi i investimeve

- Në projektin M890002 “Blerje pajisje Kompjuterike”, në vlerën **18.000.000 lekë**,

Për këtë projekt kanë nisur procedurat për finalizimin në sistemin e prokurimit elektronik **Në Aneksin nr. 3** është paraqitur realizimi i treguesve të performancës/produkteve (në sasi dhe vlerë) në zbatim të objektivave për vitin 2024

Mbikëqyrja e zbatimit të Ligjit nr. 119/2014 “Për të Drejtën e Informimit”, është kryer nëpërmjet monitorimit të elementëve të ndryshëm të ligjit si p.sh. numri i autoriteteve publike që kanë hartuar programet e transparencës, koordinatorë të caktuar nga autoritetet publike, përditësimi i regjistrit të kërkesave dhe përgjigjeve, numri i ankesave të shqyrtuara, hetimet e kryera, seanca dëgjimore të zhvilluara si dhe vendimet e dhëna. Produktet kryesore janë:

Nënprodukti A: Trajtim i ankesave brenda afateve (kthim përgjigje/inspektime/vendime, kryesisht në bazë të ankesave (i ndryshuar), rreth 1100+-)

Zyra e Komisionerit ka realizuar monitorimin e zbatimit të ligjit për të drejtën e informimit, duke shqyrtuar jo vetëm ankesat e depozituara, por duke kryer gjithashtu inspektime, seanca dëgjimore si dhe duke marrë vendime urdhërimi apo sanksionimi sipas ligjit për rastet kur është konstatuar refuzim i padrejtë i vënies në dispozicion të informacionit.

Drejtoria e Përgjithshme për të Drejtën e Informimit gjatë periudhës Janar- Gusht 2024, ka administruar **691 ankesa** nga qytetarë, përfaqësues të shoqërisë civile dhe gazetarë investigativë, si dhe ka vijuar shqyrtimin e 86 ankesave të mbartura nga viti 2023. Nga ankesat e paraqitura, për 469 prej tyre, informacioni/dokumentacioni i kërkuar është vendosur në dispozicion të ankuesve, gjatë zhvillimit të procesit të hetimit administrativ. Ndërkohë, 70 ankesa janë në proces shqyrtimi, 20 ankesa janë konsideruar të paplota, 62 ankesa janë jashtë afatit, 137 ankesa janë konsideruar jashtë objektit dhe 11 prej tyre janë

refuzuar bazuar në kufizimet e nenit 17 të ligjit nr.119/2014 “Për të drejtën e informimit”, i ndryshuar (në vijim, “LDI”).

Gjatë periudhës janar-gusht 2024 janë administruar **2 ankesa** referuar ligjit nr. 146/2014 “Për njoftimin dhe konsultimin publik”, nga të cilat një ankesë është konsideruar jashtë fushës së veprimit të këtij ligji.

Gjatë kësaj periudhe janë zhvilluar **19 seanca dëgjimore dhe 23 inspektive**. Gjithashtu, janë dhënë 9 vendime nga të cilat 5 vendime urdhërimi, 2 vendim rrëzimi dhe 2 vendime gjobe (1 nga këto vendime për moszbatim të vendimit të Komisionerit, dalë në vitin 2023).

Në zbatim të ligjit nr.119/2014 “Për të drejtën e informimit”, i ndryshuar, Zyra e Komisionerit ka vijuar punën për mbikëqyrjen dhe garantimin e të drejtës për akses në informacion publik, duke u mbështetur në vendosjen e balancës dhe respektimin e parimit të proporcionalitetit.

Nga sa konstatuar më sipër në mbi 87 % të ankesave të trajtuara është dhënë zgjidhje dhe qytetari ka marrë dhe përfituar të drejtën e tij, si një tregues cilësor i veprimit të Zyrës së Komisionerit, pasi ka ende në proces.

Në tërësi Nënprodukti A: 487 +23 (ankesa te trajtuara +inspektive) realizuar rreth 47 % të planifikimit vjetor

Nënprodukti B- Monitorim i Autoriteteve Publike me programe transparencë planifikuar (380 +-monitorime) .

Për periudhën e raportimit Janar- Gusht 2024, Zyra e Komisionerit ka monitoruar **271 autoritete publike qendrore dhe të varësisë**, duke monitoruar zbatimin e programit të programit të transparencës në **61 njësive të vetëqeverisjes vendore**. Pjesë e këtij monitorimi kanë qënë dhe programet e transparencës së institucioneve të shëndetësisë, bazuar në Urdhrin nr. 187 “Për miratimin e Programit të Transparencës të Rishikuar”, i ndryshuar dhe Urdhrin nr. 188, datë 18.12.2020 “Për miratimin e Regjistrit të Kërkesave dhe Përgjigjeve të Rishikuar”, i ndryshuar.

Nënprodukti B: Janë monitoruar 340 AP, rreth 90 % e AP

➤ **Të tjera aktivitete në funksion të rritjes së transparencës**

❖ **Kërkesa nëpërmjet regjistrit**

Për sa i takon publikimit dhe përmbajtjes së regjistrit të kërkesave dhe përgjigjeve të rishikuar, gjatë kësaj periudhe është komunikuar me *e-mail* me të gjithë koordinatoret për të drejtën e informimit lidhur me përmbushjen e detyrimit për mbajtjen dhe përditësimin e tij. Janë nxjerrë problematikat dhe situatat në të cilat ndodhet çdo autoritet publik me qëllim marrjen e masave dhe ndërgjegjësimin e koordinatoreve për përmbushjen e këtij detyrimi ligjor, parashikuar në nenin 8 të LDI. Në vijim është bërë monitorimi periodik çdo muaj i përditësimit të këtij regjistri në **332 autoritete publike**. Me qëllim zbatimin e detyrimeve, që burojnë nga LDI, si dhe duke synuar bërjen sa më efektive të së drejtës për informim si një e drejtë kushtetuese dhe një mjet për garantimin

e llogaridhënies së autoriteteve publike, Zyra e Komisionerit ka ngritur “Regjistrin elektronik të kërkesave dhe përgjigjeve për të drejtën e informimit” (REKPD), parashikuar në nenin 8 të LDI. Regjistri elektronik i kërkesave dhe përgjigjeve për 8 - muhorin e parë të vitit 2024 është instaluar në **25 autoritete publike**, duke e çuar në **247 numrin total të autoriteteve që kanë instaluar regjistrin elektronik**. Koordinatorët e këtyre 25 autoriteteve janë trajnuar në dy trajnime të posaçme nga Zyra e Komisionerit, lidhur me mënyrën e funksionimit të REKP-i, por edhe me detyrimet ligjore që burojnë nga LDI.

❖ Aktivitete të tjera mbështetëse.

Zyra e Komisionerit ka përmbushur raportimin vjetor në Strategjinë Ndërsektoriale Kundër Korrupsionit, si dhe raportimet për progresin e Udhërrëfyesit për Reformën në Administratën Publike. Gjithashtu, është dhënë kontribut mbi komponentët e asistencës teknike të përfituar në kuadër të IPA Good Governance 2020 “Për mirëqeverisjen”.

Gjatë periudhës janar - Gusht 2024, Zyra e Komisionerit ka vijuar me angazhimin dhe kontributin e saj në fushën e bashkëpunimit ndërkombëtar ku ka marrë pjesë në 5 takime online të Komitetit Ekzekutiv të Konferencës Ndërkombëtare të Komisionerëve të Informimit, në cilësinë e anëtarit që prej vitit 2021. Gjithashtu, Zyra e Komisionerit ka marrë pjesë në mënyrë aktive në një sërë takimesh të grupeve të punës të ICIC ku merr pjesë në cilësinë e anëtarit, ku ndër to, mund të përmendim edhe Komitetin e Planifikimit të Konferencës së ardhshme të ICIC në Shqipëri. Është marrë pjesë në 10 takime *online* të Komitetit, i cili është përgjegjës për planifikimin e programit të konferencës.

Për këtë periudhë, Zyra e Komisionerit ka filluar, gjithashtu bashkëpunimin me organet e sektorit publik për zbatimin e ligjit nr. 33/2022 “Për të dhënat e hapura dhe ripërdorimin e informacionit publik”. Pjesë e këtij procesi është edhe asistenca e vazhdueshme nga ana e Sektorit për të Dhënat e Hapura dhe Konsultimin Publik, me mbi 214 autoritete, ndaj organeve të sektorit publik lidhur me implementimin prej tyre të ligjit nr. 33/2022.

Zyra e Komisionerit ka raportuar për Kapitullin 10 “Shoqëria e Informacionit dhe Media” për periudhën 1 shtator 2023 - 29 mars 2024, në kuadër të hartimit të kontributit të parë të Qeverisë Shqiptare për Raportin e Komisionit Evropian për Shqipërinë për vitin 2024, konkretisht në lidhje me implementimin e ligjit nr. 33/2022 “Për të dhënat e hapura dhe ripërdorimin e informacionit të sektorit publik”.

Zyra e Komisionerit ka raportuar periodikisht lidhur me plotësimin e paketës me informacion mbi zhvillimet lidhur me statusin aktual dhe progresin për secilën masë institucionale, të planifikuar në Paketën e Semestrit të Integritit Evropian (PSIE) për vitin 2024, për Kapitullin 10. Gjithashtu, është dhënë kontributi i Zyrës së Komisionerit edhe për hartimin e Pozicionit Negociues për Clusterin 3,

Gjatë kësaj periudhe kanë qenë të shumta takimet brenda apo jashtë vendit në platforma të ndryshme, lidhur me vlerësimin e forcimit të kapaciteteve dhe strukturave për integrimin evropian dhe anëtarësimin në Bashkimin Evropian, apo për zbatimin e detyrimeve ligjore brenda fushës së përgjegjësisë.

Zyra e Komisionerit ka marrë pjesë dhe organizuar takimet/ trajnime me grupe të ndryshme interesi mbi “Të drejtën e informimit, ripërdorimin e informacionit dhe regjistrin elektronik për kërkesat dhe përgjigjet” me qëllim forcimin e transparencës proaktive të autoriteteve publike nëpërmjet përditësimit të vazhdueshëm të informacionit/dokumentacionit në faqet e tyre zyrtare të internetit.

Edicioni XV i Konferencës Ndërkombëtare të Komisionerëve të Informacionit u organizua nga Zyra e Komisionerit, në datat **3 deri më 5 qershor**, si aktiviteti më i rëndësishëm në fushën e aksesit në informacion dhe promovimit të transparencës dhe llogaridhënies së autoriteteve publike. Gjatë 3 ditëve të konferencës morën pjesë mbi 200 përfaqësues të shteteve/juridiksioneve anëtare të ICIC ose vëzhgues nga të gjitha kontinentet, organizata ndërkombëtare si Këshilli i Evropës, UNESCO, Banka Botërore dhe OECD, akademi, shoqëria civile dhe media, në nivel lokal dhe ndërkombëtar. Ky event ofroi një platformë të vlefshme për shkëmbimin e njohurive, diskutimin e praktikave më të mira dhe inkurajimin e bashkëpunimit dhe bashkëpunimit ndërkombëtar. U mbështet financiarisht nga Buxheti i Shtetit dhe jo vetëm.

Nderkohe Zyra e Komisionerit dhe Ministri i Shtetit për Administratën Publike dhe Antikorrupsionin (MAPA), në datën 26 qershor 2024, bashkëorganizuan **Konferencën e VI Kombëtare për të Drejtën e Informimit me temën me temën “Ndërtimi i besimit: Promovimi i transparencës, llogaridhënies. dhe integritetit në politikat kundër korrupsionit”**, qershor 2024. Fokusi i këtij aktiviteti ishte roli i domosdoshëm i shoqërisë civile dhe medias në promovimin e së drejtës për akses në informacionin publik dhe forcimin e transparencës, për ngritjen e institucioneve përgjegjëse si dhe shkëmbimin e praktikave më të mira, forcimin e llogaridhënies, si një shtyllë e parandalimit. qasjen e politikave antikorrupsion. Konferenca e VI Kombëtare mblodhi së bashku zyrtarë dhe përfaqësues të nivelit të lartë, si dhe koordinatorë nga mbi 150 autoritete publike qendrore, të pavarura, sistemi i drejtësisë dhe vetëqeverisja lokale, së bashku me ekspertë të shoqërisë civile, aktivistë dhe media. Edhe ky aktivitet si burim financimi kishte Buxhetin e shtetit.

MBROJTJA E TË DHËNAVE PERSONALE

- **Nënprodukti C: Mbikëqyrje dhe inspektime, i ndryshuar, (Inspektime mbi bazë ankese dhe kryesisht +-60),**

Për periudhën e raportimit janar- Gusht 2024, janë realizuar **44 hetime administrative** me qëllim monitorimin dhe zbatimin e legjislacionit për mbrojtjen e të dhënave personale nga kontrollues publikë dhe private. Inspektimet janë iniciuar mbi bazë të ankesave të subjekteve të të dhënave (5), por dhe edhe nga vetë Zyra e Komisionerit (39) me nismën e institucionit , ndër të tjera, edhe të Rezolutës së Kuvendit.

Në përfundim të hetimeve administrative Komisioneri në zbatim të kompetencave që i jep ligji nr. 9887/2008 “Për mbrojtjen e të dhënave personale” i ndryshuar, është shprehur me:

- **5 Rekomandime në kontrollues publik dhe privat;**

- **1** Rekomandim Unifikues në sektorin e ndërmjetësimit të pasurive të paluajtshme;
- **1** Rekomandim Unifikues për kontrolluesit e arsimit të mesëm të lartë;
- **5** Vendime gjobe;
- **14** sanksione administrative;
- **990.000** lekë, vlera totale e sanksioneve
- **2** urdhra për korrigjimin e të dhënave personale;
- Zhvilluar **13 seanca dëgjimore**.

➤ **Dhënie mendimi për projektligje/projektvendime/Opinione ligjore**

Zyra e Komisionerit ka dhënë mendime ligjore për;

- **4** projekt-vendime;
- **5** projekt-ligje;
- **1** draft metodologji;
- **25** opinione ligjore të paraqitura nga kontrollues publik e privat.

➤ **Transferimi ndërkombëtar**

Janë trajtuar **10** praktika si dhe është dalë me 1 vendim për lejimin e transferimit ndërkombëtar në sektorin bankar.

➤ **Njoftimi/regjistrimi i kontrolluesve**

Në përmbushje të detyrimit ligjor për të njoftuar pranë Zyrës së Komisionerit, kanë njoftuar **44** subjekte kontrolluese. Numri i përgjithshëm i njoftimeve të përpunimeve nga kontrolluesit në territorin e Republikës së Shqipërisë deri tani ka arritur në **6000**.

Nënprodukti C: (Inspektive mbi bazë ankese dhe kryesisht +- 60), janë realizuar 44, pa përfshirë veprime të tjera vendime, rekomandime, sanksione, urdhërime duke realizuar rreth 73 % të numrit të planifikuar

-Nënprodukti D. Ankesa të trajtuara (nr.rreth +- 300),

Gjatë periudhës së raportimit janë trajtuar Janë trajtuar **298 ankese** nga subjektet e të dhënave personale në kuadër të ligjshmërisë së përpunimit të të dhënave personale.

Synimi kryesor i hetimeve administrative ka qenë zbatimi i ligjit nr. 9887, datë 10.03.2008 “Për mbrojtjen e të dhënave personale”, i ndryshuar dhe akteve të miratuara nga Komisioneri në lidhje me mbledhjen përpunimin, ruajtjen dhe sigurinë e të dhënave personale.

Nënprodukti D: Ankesa të trajtuara, pa përfshirë vendime, rekomandime është realizuar nga ana sasiore 298 ankese, nga 300 të planifikuara ose rreth 99 % e planifikimit

❖ Aktivitete të tjera mbështetëse

Me rastin e 28 Janarit, Ditës Ndërkombëtare të mbrojtjes së të dhënave personale, Zyra e Komisionerit në bashkëpunim me Ministrinë e Arsimit dhe Sportit (MAS), Drejtorinë e Përgjithshme të Arsimit Parauniversitar (DPAP) dhe strukturat e saj të varësisë, ka zhvilluar një sërë aktivitete ndërgjegjëse në disa shkolla të mesme të përgjithshme në vend.

Zyra e Komisionerit ka kryer hetime administrative në institucione të arsimit të mesëm Për periudhën Janar- Gusht, hartoi dhe miratoi Rekomandimin Unifikues nr.07, datë 07.05.2024 mbi respektimin e detyrimeve ligjore në kuadër të mbrojtjes së të dhënave personale për kontrolluesit e arsimit të mesëm të lartë, ku në bashkëpunim me OSBE , ka zhvilluar një aktivitet, mbi prezantimin e gjetjeve të rekomandimit unikues. Eshte financuar nga Buxheti i shtetit dhe OSBE.

Gjatë kësaj periudhe kanë qenë të shumta takimet brenda apo jashtë vendit, për zbatimin e detyrimeve ligjore brenda fushës së përgjegjësisë, të financuar nga Buxheti i shtetit

Një tjetër aktivitet që mbështet të dy shtyllat për garantimin e dy të drejtave **është Shërbimi ligjor.**

Gjate periudhës së raportimit Janar-Prill janë evidentuar realizimet për proceset si më poshtë:

Hartimi i dokumenteve

- Hartimi i Raportit Vjetor 2023, koordinimi me strukturat e institucionit dhe institucionet përgjegjëse për miratimin e tij;
- Hartimi i draft – rezolutës në bashkëpunim me strukturat e institucionit dhe koordinim me strukturat e Kuvendit për dakortësimin me qëllim finalizimin e saj;
- Hartimi i Programit të Punës për vitin 2024 të Zyrës së Komisionerit dhe finalizimit të Rregullores së Brendshme të institucionit;
- Ndjekja e procesit të vlerësimit të OECD/SIGMA për Shqipërinë për vitin 2024, koordinimi me strukturat e institucionit për përgatitjen e përgjigjeve, koordinim me ekspertët e SIGMA për takime të kërkuara në këtë kuadër si dhe hedhja në sistemin PAR.IS të përgjigjeve për fushën e përgjegjësisë së institucionit;
- Ndjekja e procesit të auditimit të KLSH pranë Zyrës së Komisionerit për periudhën 2021-2023, koordinim me strukturat e institucionit dhe KLSH gjatë periudhës së auditimit, si dhe për përgatitjen e observacioneve të akt-konstatimeve të lëna;
- Është hartuar Raporti i Monitorimit mbi “Zbatimin e Planit të Integritetit të Komisionerit për të Drejtën e Informimit dhe Mbrojtjen e të Dhënave Personale, për vitin 2023”;
- Hartimi i ToC, të rishikuara (shqip dhe anglisht për GDPR dhe Direktivën e Policisë) për projektligjin “Për mbrojtjen e të dhënave personale”; rishikimi i RIA dhe relacionit të projektligjit “Për mbrojtjen e të dhënave personale”;

- Është dhënë kontribut mbi hartimin e kontratave të sponsorizimit dhe shërbimit për organizmin e “Edicionit të 15-të të Konferencës Ndërkombëtare të Komisionerëve të Informimit (ICIC) në Tiranë”;
- Është përditësuar dhe miratuar Aneksi nr.1 i Udhëzimit të përbashkët të Ministrit të Brendshëm dhe Komisionerit nr. 463/2020;
- Është hartuar Draft/Udhëzuesi për “Pastrimin e parave dhe financimin e terrorizmit”.
- Përgatitja e masave që do të marrë Zyra e Komisionerit (për periudhën 2024-2030) për zbatimin e rekomandimeve të lëna në Udhërrëfyesin për Shtetin e së Drejtës - Kapitulli 23 “Gjyqësori dhe të drejtat themelore” si dhe koordinimi me Ministrinë e Drejtësisë për finalizimin e tij për Seksionin “Për mbrojtjen e të dhënave personale” dhe “Të Drejtat Themelore” – Kuadri i Përgjithshëm”;
- Koordinimi i grupit të punës së ngritur me qëllim hartimin e draft – udhëzimit të përbashkët të Komisionerit dhe MEKI për modelin e “Licencës standarde”, në zbatim të ligjit për të dhënat e hapura dhe ripërdorimin e informacionit të sektorit publik, hartimi i draft - udhëzimit dhe dokumenteve bashkëlidhur tij;

Dhënie mendimi/opinione ligjore

Gjatë kësaj periudhe është dhënë mendim ligjor mbi **4** projektakte, konkretisht mbi **2** projekt/ligje dërguar nga Ministria e Brendshme dhe **2** projekt/vendime dërguar nga Ministria e Infrastrukturës dhe Energjisë, si dhe nga Ministria e Drejtësisë.

Raportime

Është raportuar në kuadër të hartimit të Kontributit të parë dhe të dytë të Progres Raportit 2024 për Kapitullin 23 “Gjyqësori dhe të drejtat themelore”, konkretisht për mbrojtjen e të dhënave personale dhe aksesin në informacion.

Është raportuar në zbatim të Vendimit të Kuvendit të Republikës së Shqipërisë nr.134/2018 “Për miratimin e Manualit të Monitorimit Vjetor dhe Periodik”, mbi nivelin e zbatimit të rekomandimeve të lëna nga Zyra e Komisionerit, për autoritet publike si dhe statusin e zbatueshmërisë së tyre për periudhën janar - prill 2024.

Është raportuar në kuadër të zbatimit të “Strategjisë së Drejtësisë për të Mitur dhe të Planit të saj të Veprimit 2022-2026”, Strategjisë Ndërsektoriale për Mbrojtjen e Viktimave të Krimin 2024–2030”

Është dhënë mendim mbi masat e parashikuara nga Zyra e Komisionerit, për Draft Strategjinë Ndërsektoriale të Drejtësisë 2024-2030.

Është plotësuar pyetësori për vlerësimin e kapaciteteve institucionale brenda Grupeve Ndërinstitucionale të Punës për Integrimin Evropian (GNPIE)

Është raportuar në kuadër të hartimit të Kontributit të parë të Progres Raportit 2024 për Kapitullin 23 “Gjyqësori dhe të drejtat themelore”, konkretisht për mbrojtjen e të dhënave personale dhe aksesin në informacion.

-Të ardhurat nga sanksionet/gjoha

Për periudhën raportuese, për Zyrën e Komisionerit, janë ekzekutuar **5** vendime gjore në zbatim të ligjit nr.9887/2008 “Për mbrojtjen e të dhënave personale”. Arkëtimet janë në vlerën 790.000 lekë

KOMISIONERI

Besnik Dervishi

Konceptoi : D.Hebibasi, L.Xhakaj

Sigloi: L.Morina

